

**Dumonda da la fracziun dal Center concernent las consequenzas da las reduziuns dal UFSPO tar
Giuventetgna+Sport (G+S) e garanzia da la promoziun dal sport en il Grischun (emprima sutsegnadra Bergamin)**

L'Uffizi federal da sport (UFSPO) ha l'intenziun da reducir per 20 pertschient las contribuziuns en il program da Giuventetgna+Sport (G+S) a partir da l'onn 2026. G+S è il program central da la Confederaziun per promover il sport; la dumonda è creschida fermamain durant ils ultims onns. Per il Grischun han uniuns e scolars fatg giu quint l'onn passà per 2124 curs e champs; totalmain èn vegnidas pajadas contribuziuns da G+S da 2 762 512 francs.

Ina reduziun da 20 pertschient correspundess a var 552 502 francs – sche la purschida restass la medema. A medem temp s'augmentan ils custs pervia da novas disciplinas da sport, pervia da pretensiuns da segirezza pli autas (tranter auter en il sport da muntogna) sco er pervia da custs per alloschi ed alimentaziun. Uniuns, scolars ed organisaziuns da giuvenils dovan la segirezza da planisaziun. Sche la Confederaziun realisescha la reduziun sco annunzià, sa tschenta la dumonda d'in subsidi transitoric tras il chantun (p.ex. via fond da sport/Swisslos), per che las purschidas per uffants e giuvenils restian vinavant accessiblas en tut las regiuns.

Dumondas:

1. G+S è in'ovra cuminaivla da la Confederaziun e dals chantuns, en la quala ils chantuns èn cumpetents per permetter las purschidas e per realisar la furmaziun dal cader (scolaziun e furmaziun supplementara da manadras e manaders). Tge signifitga l'augment da participantas e participants per las incumbensas dal chantun?
2. Èn da spetgar stretgas finanzialas er en connex cun las purschidas da la scolaziun e furmaziun supplementara?

Cuira, ils 30 d'avust 2025

Bergamin, Brunold, Bettinaglio, Beeli, Berther, Binkert, Collenberg, Crameri, Danuser (Cazas), Derungs, Epp, Furger, Gansner, Heini, Kohler, Loepfe, Maissen, Mani, Messmer-Blumer, Michael (Donat), Orlik, Righetti, Sax, Schneider, Spagnolatti, Tomaschett, Ulber, Zanetti (Sent), Zanetti (Landquart)